

孤
本

孝經貫註

貳

廣陵書社

明·瞿罕著

(明)瞿 罕 撰

孝經貫注
第二冊

廣陵書社

中國·揚州

孝經貫註卷之四

皇明

江漢

臣瞿罕貫註

知宜興縣事臣石確增刪

非先王之法服不敢服

章首有卿大夫章第三元六字朱子刪去

此今文及朱子皆謂此章專指卿大夫之孝也服稱法者何曰古者司服之官具飭衣裳凡衣裳長短之度冠履上下之制各有劑量辨貴賤識尊卑莫不安其分而秉其度所謂法也如漢之御史大夫及御史中執法暨柱下御史皆冠柱後惠文冠

又曰鉄冠又曰鷄鶡冠又曰獬豸冠總名曰法冠
以其在殿中証言行而察非法也

續漢書百官志
胡廣漢官儀杜

氏通典

我朝因之凡御史大夫及大中丞皆服獬

豸冠其直指使及按察使服亦如之正以其巡四
方而糾不法也

法服稱先王者何曰自黃帝堯舜仰觀乾象俯察
坤文玄衣象天黃裳象地使伯余作之於是袞冕
衣裳之法興而君臣分義遂截然于天高地下之
間矣舜又觀象十日月星辰山龍華蟲以繪于衣

宗彝藻火粉米黼黻以繡于裳使稷益明之引於書於是衣裳繪繡之法明而尊卑差等遂凜然于上衣下裳之內矣

周時先王建官雖有司服司裘屨人之職大半掌王之冕服耳若卿大夫之冕與韋弁皮弁而掌其禁令者有弁師之職焉辨卿大夫吉凶之五服有小宗伯之職焉正其服禁其奇袤有內宰之職焉禁其奇服不得入宮有闈人之職焉禮周當是時等級始嚴冕爲尊弁次之冠又次之上得以兼下下

不敢以僭上故弁者卿大夫以下之服也天子亦服之以其上得兼下也冕者卿大夫以上之服也唯以之朝王及助祭則服之如卿士麻冕蟬裳一人冕執劉一人冕執鉞是也至其私家奉祀止服皮弁以其下不敢以僭上也

文獻通考

我

朝令甲凡

服色冠帶各以其等爲之一如周制上得兼下下不敢以僭上是以卿大夫各循其命數而秉其度此之謂先王之法服也

自諸侯至士庶人莫不有法服焉獨屬卿大夫何

也曰王朝之卿大夫本卽出封之諸侯也雖言卿大夫亦兼寓諸侯矣法服之法字猶謹度之度字也觀孔疏以度爲衣服之制月令以章別貴賤之度是法服亦謹度中事矣且公侯伯之卿三命得受三命之服其大夫再命得受再命之服子男之卿再命得受再命之服其大夫一命得受一命之服此先王之制也春秋之僭竊非一而大夫尤甚大夫之僭竊猶後而章服居先是故有大夫僭天子之服者黼裘以誓軍衆田獵是也

玉藻鄭注

有大夫

僭諸侯之服者繡黼爲中衣之領丹朱爲中衣之

緣是也

郊特牲
陳注

卽如管大夫仲其冕絃法當用緇

而敢僭天子之朱絃

雜記禮
器鄭注

季大夫康子其朝服

之布法當用十五升

陳注

而敢僭殷王之縞衣

玉藻何

況其他乎

何謂非先王之法服曰凡卿大夫之服皆先王之

所定也譬如太嘗卿之服也魏晉以來皆銀章青

綬進賢兩梁冠絳朝服佩水蒼玉

通典

或曰平冕七

旒玄上纁下畫華蟲七章

魏宏古
文官書

此先王頒太嘗

卿之服也其屬官有太嘗丞但銅符而墨綬矣若亦如銀章青綬便是非法服而服

大理卿之服也梁之時皆法冠玄衣朝服此先王頒大理卿之服也其屬官有廷尉有評事但冠法而冠已若亦如大理玄衣便是非法服而服

衛尉卿之服也晉之時皆銀章青綬五時朝服武冠佩水蒼玉通典此先王頒衛尉卿之服也其屬官

有公車令但冠集賢一梁冠與墨綬而已若亦如

青綬佩玉便是非法服而服

光祿卿之服也晉之時銅印黃綬

通典

此先王頒光

祿卿之服也其屬官有太官令但著兩梁冠而已

北堂書鈔

若亦如卿之黃綬便是非法服而服

司農卿之服也晉以來銅印黃綬進賢一梁冠

通典

此先王頒司農卿之服也其屬官有太倉署但墨綬而已若亦如卿之黃綬便是非法服而服

太僕卿之服也晉之時銀章青綬五時朝服進賢

兩梁冠佩水蒼玉

通典

此先王頒太僕卿之服也其

官屬有車府令乘黃署但進賢一梁冠與墨綬而

已

晉百官表注

若亦如卿之青綬便是非法服而服

中大夫之服也漢武帝時更名曰光祿大夫銀章

青綬西晉之時加金章紫綬進賢兩梁冠黑介幘

五時朝服佩水蒼玉謂之金紫光祿大夫此先王

之法服也其左右光祿大夫雖係晉置僅服銀章

青綬而已樂安任遐爲光祿大夫就王晏乞一片

金晏乃轉啓爲金紫

通典

是也至于太中大夫及中

散大夫亦係晉置又不過絳朝服進賢一梁冠介

幘而已

通典

若亦如中大夫服金紫便是非法服而

服

且釋名云章甫殷之冠名也甫大夫也殷以之表

章大夫也冠雖敝不加于足况敢以鳥獸之羽毛

加卿大夫之元首乎如鄭子臧好服鵠冠

左傳

屈到

好服貉冠

公孫屈子

范獻子好服豹冠

瑣語

張欣泰何尚之

好服鹿皮冠

梁書

陳伯之好服獬皮冠

梁書

張易之好

被羽裳

詩

是服也豈先王之法服有是乎非然也

語云紅紫不以爲褻服况卿大夫敢以五方之間

色入公門之內乎如徐龍駒好服黃綸帽齎謝萬

好服白綸巾

晉紀

韋見素好服紫袍

詩

謝鎮西好服

紫羅襦

詩

孫忠好服紅羅襦碧納袴

魏書

周弘正好

服紅褌

梁書

謝玄好佩紫羅囊

晉書

是服也豈先王之

法服有是乎非然也

記云男女不通衣裳况敢以大夫之尊貴爲桑中

之解佩乎如孔寧儀父服夏姬之服

左傳

何晏服婦

人之服

晉傳

王雱携婦人之冠囚首見父

宋鑑

周逢行

着婦人之裙名曰散幅

陶岳荆湖近事

更始諸將軍衣婦

人之衣繡擁髯

文獻通考

是服也豈先王之法服有是

乎非然也

莊周曰爲其服未必知其道況敢舍大夫之簪裾

服開士之袈裟乎如裴休持鉢乞食常被毳衲

唐書

裴寬嚴挺之送僧安厝身服衲襪

挺之傳

樂天共僧

結社鳩校衲衣

舊傳

子瞻外服朝服內襯道衣

稗史

尹

暗爲諫大夫衣道士之衣

通考唐書

謝泌爲太常卿服

道士之服

宋傳

是服也豈先王之法服有是乎非然

也

詩云彼其之子不稱其服況敢以大夫之簪纓襲

羯胡之左衽乎如趙之周紹公子成順武靈之意

徙而服戎

戰國策史書

魏之新與公丕違魏主之禁私

衣胡服

魏書

天寶之際士大夫好服胡衣

胡元之

際士大夫咸辨髮椎髻深檐胡帽其衣服爲膝褶

窄袖或爲辨線腰褶

洪武秘史

是服也豈先王之法服

有是乎非然也

然則卿大夫之法服維何曰其一曰冕皇氏云冕者卿大夫之朝服也不敢服何以故按先王作服一命之卿服絺冕纁三就用玉十八再命之大夫服玄冕纁再就用玉八其藻玉皆朱緣一命之大夫雖冕而無旒先王命弁師掌其纁旂各如其命數所謂法服也

其一曰絺冕玄冕皇氏曰二冕卿大夫助君祭之服也孔疏曰絺冕卿大夫之服也不敢服何以故

按先王作服有孤之國其孤則絺冕其卿大夫則
玄冕無孤之國其卿則絺冕其大夫則玄冕以其
爲諸侯之臣分爲三等所謂法服也

其一曰皮弁孫炎曰皮弁卿大夫之服也禮疏曰
天子之卿大夫朝服也不敢服何以故按先王作
服三命之卿毳飾凡三再命之大夫毳飾凡二其
玉亦二采先王命弁師掌其玉毳各如其等數所
謂法服也然禮疏又云皮弁者大夫自祭之服也
不敢服何以故按先王作服天子之卿大夫以皮